

---

## Ҳоким ёрдамчисининг мурожаати туман электр тармоқлари корхонаси томонидан ижобий ҳал этилди

Тошлоқ туманидаги 51 та маҳалла фуқаролар йиғинларида ҳоким ёрдамчилари ва Ёшлар ишлари агентлигининг маҳалладаги етакчилари ўз фаолиятларини бошлашди. Ҳозирда улар томонидан мавжуд муаммолар ўрганилиб, фуқароларнинг мурожаатлари қабул қилинмоқда.

"Варзак" маҳалла фуқаролар йиғинига бириктирилган ҳоким ёрдамчиси А.Сулаймонов Кўприкбоши кўчасидаги ўрганиш давомида фуқароларнинг электр таъминоти бўйича қилган мурожаатлари юзасидан туман электр тармоқлари корхонаси масъуллари билан боғланди.

Туман электр тармоқлари корхонаси раҳбари А.Қодиров билан ўрганилган мурожаат ижобий ҳал этилди. Корхона ишчилари томонидан 300 метрдан ортиқ масофага янги замонавий тармоқ тортилди, трансформатор ўрнатилди.

Амалий иш натижасида шу кунга қадар фойдаланувчи кўп бўлганлиги боис паст электр қуввати билан таъминланган 100 га яқин хонадонларга сифатли электр таъминоти етказиб берилди.

***Тошлоқ тумани ҳокимлиги Ахборот хизмати***

2022-01-13 17:24:18